



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vita P. Balthassaris Alvarez, Societatis Iesv Religiosi

**Puente, Luis de la
Coloniae Agrippinae, 1616**

§. 2.

urn:nbn:de:hbz:466:1-42916

conferre; cor suum aperire, totumque illud ita effundere, ut nihil intus remaneat; aperire illi labores suos, peccata, desideria, & quidquid in animo habuerit; & cum eodem solatium & requiem habere sicut amicus solet cum amico, cui fidit; cui omnia sua aperit, bona & mala. Hoc est, quod Scriptura divina appellat *effundere sicut aquam* Thre. 2. 19. *cor ante conspectum Domini*, non ait, sicut oleum, cuius pars aliqua vasi adhærescit; sed sicut aqua, quæ tota effunditur; manifestando scilicet Deo non solum magna, sed etiam parva. cum enim divina eius Providentia omnia gubernet; sine cuius auxilio nihil boni, magni, aut parvi efficere possimus, magnæ prudentiæ est, omnia cum Deo conferre, à quo, quidquid rectum in eis erit, proveniet.

§. II.

EX frequenti hac cum Deo Domino nostro familiaritate provenit, ut alias quoque gratias donaque reciperet, quæ plurimum eum juverunt ad ea, quæ postea in bonum proximorum fecit. Fuit autem inter alia insigne donum confidentiæ, & efficacitatis in petendis & obtinendis à Deo D. N. rebus tam sibi quam proximis necessarijs, quemadmodum ipse in suo libello notavit, dicens: quod cum semel orationem instituisset circa illa verba Christi D. N. *a petite, & accipietis*: a Math. 7. 7. intellexit è coelo ex alto, D. N. nolle, nos esse parcos in petendis donis & gratijs ab ipso: nam talè parcitatem esse Dæmonis tentationem. Et cum semel aliquid peteret pro quodam indigente, audit sibi dici: *cur tu es in petendo parcus si Deus est indando*

dando liberalis? quasi insinuaretur ipsi, ut etiam pro alijs indigentibus peteret. Et alia vice petens foelicem cuiusdam negotij exitum, audiuit hæc verba: *ego te tanquam Rex iuvero.* & ita euenit in illa occasione, & sæpè alias, nam orante ipso adeò feruenter pro alijs necessitatibus, priusquam ab Oratione surgeret, certus reddebatur de earum remedio, siue per expressam reuelationem, siue per internum aliquem instinctum, quo asscurabatur: quem instinctum, ait Cassianus, indicium esse exaudiri a Deo orationis: cuius rei inferius plura ponentur exempla.

Tunc etiam largitus est illi Deus, quod in Scientia & Eruditione deerat, quam propria industria comparare non potuit: quod ipsemet in sua relatione insinuauit, & clariùs aperuit patri Iohanni Pinadio, qui ex Collegiali Collegij Ouetenfis Salmantica factus est Societatis, qui cum Gradum in Iure suscepisset, studia Philosophica ac Theologica aggredi horrebat, veritus, ne non posset in eis benè proficere. Quem ut P. Balthassar animaret ad cōfidendum Deo, quod ille ipsius industria defectus suppleturus esset, retulit ei confidēter: quod cum ipsemet tristis ac sollicitus esset, eò quod ob occupationes multas dum studeret, & etiam postquam factus esset Sacerdos, non fuisset adeò studijs intentus, atq; opus fuisset: ideoq; Scholasticarum scientiarum defectum esset experturus in Ministris Societatis circa Confessiones, & Conciones: cum tamen diu se in oratione exercuisset, ex tempore die quodam sensisset extraordinarium quoddam lumen in intellectu, quo Scholasticas veritates, &

res, & Theologicas Conclusiones adeò perspicuè
 intellexit, atq; si multos annos, magnamq; diligē-
 tiam in eo studio posuisset: & ab eo tempore adeò
 impressas menti suæ veritates illas mansisse, vt nū-
 quam amplius, solitum earum defectum sentiret.
 Et cuidam alteri graui Patri dixit: gratiam sibi à
 Deo concessam intelligendi Scripturam diuinam,
 & Materias Morales: & à quo die hanc gratiam
 acceperat, abiecit timorem, propter quem aliàs
 non audebat esse absq; aliquo viro valde docto,
 cum quo liceret statim occurrentia sibi dubia
 conferre. Et aliàs cum sermo de hac re incideret,
 dicere solebat: ego non multum polleo acumine
 intellectus, & studiorum: sed ex familiaritate cum
 animabus pijs, lectione Sanctorum, & frequenti
 oratione largitus mihi est Deus intelligentiā Scri-
 pturæ sacræ. In quibus verbit tres coniunxit fon-
 tes, ex quibus scientiam Spiritus eminenter hause-
 rat ad res internas, & spirituales cognoscendas:
 lectionem scilicet Sanctorum, qui eas experti,
 scriptas reliquerunt: familiaritatem, & consue-
 tudinem cum animabus, quæ illas sentiunt, & ex-
 periuntur; & orationem, ac familiaritatem cum
 ipso Deo: & hæc fuit præcipua, cum ad eam per-
 uenit excellentiam, quæ fuit illi eo tempore cō-
 municata, non solū ob experiētiā, quam habuit
 earū etiam valde excelsarū, sed ob lumē, quo Deus
 illū illustrabat, vt eas cognosceret ac discerneret.
 quæ lux fuit instar luminis prophetici, quod (vt
 ait S. Gregorius, quē secutus est S. Thomas) duas
 res, solius Dei aliàs proprias manifestat: occul-
 ta scilicet cordis humani; & res futuras: & in
 utraq; hac re illustrauit Deus hunc seruum suum:
 inter-

*Homil. 1. in
 Ezech.
 2.2. q. 171. d.
 1. Cor. 14. 25
 Isa 41. 23.*

S. Tho. 2. 2.
q. 172. 8. 2.
ex S. Diony.
c. 4 de co-
lesti Hierar.

interdum reuelans illi cordium secreta eorum quibuscum agebat, ut eos recte deduceret: cum reuelationes propheticae fiant per Angelos, qui earum personarum custodes erant, res aliquas ad eas spectantes Patri huic reuelabant, quemadmodum in capite sexto est dictum: Interdum etiam futura, & quae à nostra voluntate dependent, illi reuelabat, ut securos eos redderet, quorum intererat; ita euenturas. Horum omnium plura exempla in sequentibus capitulis subiiciuntur.

CAPUT XVI.

ORATIONIS SVAE EFFICACITATE Metina, & alibi multa fecit in proximis admiratione digna: tum manifestatione multorum cordis secretorum; tum praedictione rerum futurarum.



VA MVIS mutatio Patris Balthassaris ex Abula Metinam, & ad alia Collegia praecipue dirigeretur ad spirituales nostrorum profectum: eius tamen charitas non alligabatur ad solos domesticos; sed exse-
rebat se etiam ad externos; in quibus notabilem faciebat fructum, duplicibus suis armis, Orationis, scilicet, & Sermonum siue Colloquiorum de Deo;